



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Gasparis Lechneri E Societate Iesv Theologi. Sodaliv  
Partheniv. Siue Libri Tres Qvibvs Mores Sodalivm  
Exemplis Informantvr**

**Lechner, Kaspar**

**Dilingæ, 1628**

V. Quibus moribus vtantur Sodales.

[urn:nbn:de:hbz:466:1-51916](https://nbn-resolving.org/urn:nbn:de:hbz:466:1-51916)

*Sodalitio  
separata  
est.*

alia fuit, eam nunc, ut iure potuit, abrogatam esse: Ut proinde quiescere porro possint, qui secus sentiunt aut loquuntur: Sua quemque agere, alienis non admiscere, id in omni vitâ esse optimum iudicamus.

## CAPUT V.

## QUIBVS MORIBVS viuant Sodales.

*Arist. 2.  
polit. c. 6.  
l. de quibus  
ff. de  
Legib.*

*Vfus leges  
instigat.*

**L**Eges Moribus vsuque firmari, apud Iurisconsultos receptissimū dictū est: quin tanta in vsu vis inest, ut illo & leges fiant, & illustrentur, atq; quod in illarum vel multitudine vel difficultate asperum prolixumq; est, quasi compendio mitescat, DVM quod fit ab omnibus, facile videtur. Postquam igitur Leges Sodalitatum enarraui, operæ precium est, subnectere earundem exercitia atq; exempla, siue illa è Legibus efformata sint, siue in Leges post abierint. Neque ea quidem hoc loco omnia, sed que toti  
ali-

alicui Sodalitio præter aliorum morem, vel certè insigniori aliqua ratione consueta sunt, reiectis in secundum librum quamplurimis, & præfertim illis, quæ ad singulos Sodales attinent.

I. Vallisoleti instituta Sodalitas Iureconsultorum & Aduocatorum est. Ea carcere detentis suppetias solatiumque affert. Bini per hebdomades ad eos itant, prandium apparant, capita Religionis Christianæ explicant, causas illorum cognoscunt ac pro æquo tuentur: Si quando opus, Medicos Sacerdotemque accerfunt, qui corporibus animisque medeantur. In orbem vices officiorum istorum recurrunt. Hispali quaterni his vinculis quotidie inter prandendum assistunt, piaque lectione animos illorum reficiunt. Triginta inter se pacti, fercula iisdem subministrant, suo quisque die: vnus ex ijs constitutus, qui pauperum aduocationes suscipiat, cætera eis cum Vallisoletanis communia Idem Talabricæ & Madridij in

*Sodales  
miseris  
succurrunt.  
Anno  
C10.10.  
LXXXIX.  
Atque in  
primis  
Captiuis.*

*An. C10.  
10C111.*

in Hispania factitant, idem Drepani in Sicilia.

*Anno*

*CIO. IO.*

*XCVI.*

*Aegrorū  
cura.*

*Certamē  
honorū.*

II. Abulæ Nobilium, Clericorum atque Laicorum coetus, è præstantissimis quibusque constat. Illorum institutum est, agris egentibusque opitulari; in eam rem ciuitatem omnem in suas quasi curias, quibus ipsi singuli pro Curionibus præessent, partiti sunt. Sicubi ægrotos per vias stratos inueniunt, in Nosocomium deferunt. Si vnus reperit, solus in humeros sublatum ante omnium ora, atque oculos deportat: si duo incidant, gestatoriâ sellâ in eum vsu paratâ ferunt: si plures, certatur, qui ferant; tam pulchri oneris nemo vult expers esse. In pauperum funeribus efferendis idem ardor, eademque contentio, beator sibi quisque videtur, si feretro liceat succedere, quam qui olim Iunonis ferculo superbierunt. Aliqui illorum Feriæ quintæ noctem in honorem ac memoriam Mysterij Eucharistici per uigilem precibus transmittunt. Alij sub-

subsequenti Feriâ tres horas pomeri-  
dianas in acerbis Christi tormentis  
meditandis collocant. Quidam pri-  
die huius diei mendicum domi suæ  
excipiunt, situm squaloremque cor-  
poris eluunt, pedes exosculantur,  
vestes resarciunt, stipem largiuntur,  
atque ad generosioram de se ipsis Vi-  
ctoriam reportandam, eodem sub-  
inde lecto somnum capere sinunt,  
vel vt verius loquar, cogunt. Et hæc  
Nobiles faciunt; rati pulcherrimum  
esse, in eo potius excellere, quod Vir-  
tutis, quàm quod Naturæ est: illa e-  
nim Nobilitas propria; hæc aliena &  
fortuita est.

III. Simili in egenos studio fla-  
grant Sodales Mediolani & Craco-  
uiæ, quod nomine quoque suo te-  
statum esse volunt. Illi enim *Pietatis*  
titulo coaluerunt, & nexis subsidio  
sunt: Hi *Misericordie* appellationem  
re comprobant: stipem in commu-  
ne conferunt, & quod memoratu  
iucundissimum est, ad Templorum  
fores etiam corrogant, pro ijs, quos  
vel

Villagar-  
cia idem  
præstitit.  
Anno  
C I O.  
I O C I I I.

Anno  
C I O. I O.  
L X X V I.  
&  
L X X X V.

Nous mē-  
dict.

vel morbus vel Verecundia ab aliena  
ope impedit. Familijs ad paupertatem  
reductis ex instituto suppetias  
veniunt Tiburtini.

*Anno*  
C10.10. LXXXIII. IV. Idem Misericordiae nomen  
munusque sibi sumpserunt Compo-  
stellani Socij. Inter quos Archiepis-  
copus, Magistratus & Nobilissimus  
quisque accenseri voluerunt. Diebus  
Dominicis Canonici duo & totidem  
è Magistratu stipē colligunt ijs, quos  
vetus prosapia & noua inopia publi-  
co remouet. Eodem studio flagrant  
LXXXIV. Mexicani in India. His, pro vicis op-  
pidi, in singulas hebdomadas, ægro-  
rum ministerium curaque diuiditur.  
Vbi sua cuique Vico recurrit hebdo-  
mas, exeunt è suis ædibus omnes Viri  
feminaeque cum liberis ac domesti-  
cis, obleratisque foribus, ea secum  
ipsi deferunt, quibus per hebdoma-  
dam pascant ægros, nihil vt in eos  
præter id, quod Sodalium charitas  
domo attulit, impendatur.

*Anno*  
C10.10. LXXXVI. V. In eius fortunæ homines año  
vno tributum aurei mille trecenti à So-  
dali-

dalibus Virginis Natæ Neapoli. Ali-  
 bi quinquaginta vinculis adstrictos,  
 quâ suis, quâ corrogatis pecuniarum  
 subsidijs annum ipsum aluere. Equi-  
 bus itidem nonnulli valetudinario  
 seruitium suum addixerunt, quando  
 Bacchanalium licentiâ pleriq; mor-  
 tales flagitijs, vel, vt leuissimè dicam,  
 inertix infanixque operantur.

*Murcia*  
*in Tolet.*  
*Prout.*  
*Anno*  
*CIO. IO.*  
*LXXXV.*

VI. Hispali capite aperto, flexis-  
 que genibus id genus obsequia defe-  
 runt, qui Natalium splendore illu-  
 stres sunt, hoc ipso professi, aliquid  
 inesse homini illustrius, quod etiam  
 Nobilitas veneretur. Similia studia  
 in nexos agrosque impensa, reperies  
 Lugduni, Turone, Palentix, Grana-  
 tæ: solenne id est Senensibus, Messa-  
 nensibus, Malacitanis, Burdegalensi-  
 bus, Sassaritanis, Catacensibus, Ale-  
 tinis. Sed de hoc genere plura sequē-  
 ti libro afferam.

*Anno*  
*CIO. IO.*  
*III.*

VII. In Monte Leonis Sodalita-  
 tem institutam ad prauam iurandi  
 consuetudinem tollendam, infra  
 memorabimus. Eius Sodales hanc

*Anno*  
*CIO. IO.*  
*LXXXII.*  
*III.*

*CIO. IO.*  
*xcvi.*  
*CIO. IO.*  
*III. VIII.*  
*X.*

C sibi

*Vitia op-  
pugnant.* sibi legem dixerunt, vt si quando pa-  
*Anno* lam temerè iurauerint, poenæ loco,  
*CIO. IO.* ibi vbi adstant, illicò publicè terram  
*LXXXII.* deosculentur. Quæ lex ab ijs sanctif-  
simè obseruatur; efficax linguæ coer-  
cendæ remedium.

*Anno* VIII. Romæ inter complura So-  
*CIO. IO.* dalitia erecta, illius, quod ab Assum-  
*XCIII.* ptâ Virgine nomen obtinuit, & ex  
*Sodales* Optimatibus contractum est, præci-  
*pacis Stu-* pium institutum est, dissidentes ani-  
*diosi.* mos inter se reconciliare, euentu  
plerumq; felici. Multæ enim ac gra-  
ues è vulneribus contumelijsque sus-  
ceptæ inimicitia, inter viros nobi-  
les atque illustres, industria Sodalium sunt depositæ. Solent autem  
in eâ pacificatione capitali odio di-  
stractos obtestari per B. Virginem,  
vt ius iniuriamque omitant. Et sua  
vis obsecrationi inest. Quam enim  
Tigridem non emolliat tam pium  
nomen? Dant plerique manus & in-  
fœdus iungunt. In tabulis deinde,  
quæ de pace factâ testantur, perscribi  
solet: *Pacem Deipara causa datam.*

Atque



pa- Atque vt latius pateat instituti huius  
 co, Utilitas; Curiones ac Parochi Urbis o-  
 am mnes præmoniti, vt simul atq; in eo-  
 fil- rum Curijs similtas inter aliquos ex-  
 er- titerit, rem ad Sodales deferant: Qui  
 So, certiores facti, per Viros graues ac  
 m- Nobiles, ac, si res postulet, per vnum  
 ex aliquem è Cardinalibus, quorù multi  
 ci- in eã adlecti sunt, dissensiones & con-  
 ni- trouersias tollunt, inimicos ad con-  
 tu- cordiam adducunt. Neq; verò ipsi in  
 ra- alijs coniungendis maiorem operam  
 sub collocant, quàm vt suam inter se ani-  
 bi- marum vnionem demonstrant. Hinc *Multa of-*  
 la- pleriq; singulis hebdomadibus con- *ficia pie-*  
 m- ueniunt: singulis minimùm mēsis *tatis Ro-*  
 di- omnes pariter sacræ mensæ accum- *mane So-*  
 l, dibunt, Cardinale sæpè aliquo, aut alio *dalitates.*  
 sua antistite S. Eucharistiam ministran-  
 m- te: aliàs sacros Urbis locos gregatim  
 n- inuisunt; aliàs in Oratorio flagris se-  
 n- cædunt; aliàs alia Christianæ submis-  
 n- sionis officia exequentur.

IX. Quomodo Primaria Romana  
 ibi Cōgregatio pulcherrimis exēplis ad  
 ue virtutē alijs præluceat ex ipsorummet

Sodalium ad Ingolstadienses literis  
 audiamus Apud nos, inquit, humi-  
 litati multum studetur & simplicitati,  
 quam obrem tituli omnes & gloriosa a-  
 pud seculi homines vocabula quibus  
 sese appellando mutuo honore fruun-  
 tur, è nostro Oratorio faceffere iussi-  
 mus, ut inter fratres sub eiusdem pu-  
 sime Matris patrocinio receptos aequa-  
 litas seruetur; nec quisquam de sum-  
 sis maiorum imaginibus aut de diuiti-  
 bus temporalibus gloriatur. Praefectura  
 functos continuo per tres sequentes  
 menses (trimestres enim sunt apud nos  
 Magistratus) Ianuae custodiam ex ve-  
 tusta consuetudine addicimus: mul-  
 tum pro legum obseruatione laboramus  
 quae in publico conuentu post Magi-  
 stratum electione perleguntur: qua-  
 ritur omnibus audientibus. Num ali-  
 quid detrimenti passa sit Congregatio  
 quid a veteribus Magistratibus pec-  
 catum fuerit? Quid a nouis desidere-  
 tur? Quid pro amplificando commun-  
 bono facere oporteat? Rogantur dein-  
 de singulorum sententiae, & si qui  
 fore

Modestia  
 Romano-  
 rum So-  
 dalium.

Quomo-  
 do Leges  
 apud eos  
 legantur.

fortè maioris momenti sit, quod enul-  
gare coram omnibus non expediat. scrip-  
tis committitur. Tempore quadragesi-  
mæ bis in hebdomade ferialibus diebus  
sermo de Dominica Passione ab uno ex  
Sodalibus habetur, quo peracto corpus  
flagellis cædimus. Hæc Romani, qui  
Primariam frequentant, in suos mo-  
res induxerunt.

X. Subiungam quid alia quædam  
Sodalitas Romana præclarè gerere  
consueverit, ut Primarij in literis pro-  
ximè citatis perscripserunt. Nam ubi  
de suis memorarunt, hæc subnectunt,  
*In hoc Romano Collegio ante paucos*  
*annos Sodalitas nobis fæderata san-*  
*ctissimæ Communionis. Hoc enim præ-*  
*cipuum est eius institutum, ut singulis*  
*mensibus in aliqua Urbis Ecclesia ad*  
*Dominicum corpus suscipiendum con-*  
*ueniat, quò maxima eos multitudo co-*  
*mitatur, quam ipsi Sodales ex rusticis*  
*præsertim & ex infima plebe collectam*  
*ad sacram synaxin & exomologesin*  
*Christiana charitate perducunt, per*  
*multos antea dies sacra Catechesi di-*  
*ligen-*

Sodalitas  
S. C. O. T.  
M. S. C. O.  
is.

ligenter imbutam. Etenim diebus festis mane ad Oratorium conueniunt, quod ipsi in atrio Collegij satis amplum sua impensa extruxerunt; ubi sacra preces magna cum deuotione recitantur, & incruentum Christi corpus offertur, & alia multa pietatis opera exercentur, deinde post prandium unacum patribus Societatis ad plateas Urbis se conferunt quas singuli manipuli habent distributas uno e Societate cruce prelata letanias Deipare Virginis preeunte. ut ventum est ad plateam concio habetur a Socio ad quam paulatim opificum, & rusticorum multitudo aduolat: ea completa ad Oratorium Collegij omnes numero cum ingenti reuertuntur, ubi flagellis corpus cedunt maximo cum clamore multitudinis peccata sua accusantis, & in se acriter sciantis, adeo ut maximum cadentium strepitum exaudire liceat non secus, ac si in aliqua fabrorum officina versareris. Sed non his limitibus pietas illorum contenta; ad carceres enim, ad triremes progressi, ad uos comia, ad  
pan-

pauperum turmas sustentandas, ad omnes denique omnium ordinum gentes Christianae charitatis viscera aperuerunt. Tempore Pontificatus Gregorij XV. anno 1621. in maxima annone caritate magnas pauperum turmas in porticibus Romani Collegij mensis appositis ex scamnis gymnasiorum confectis, quibus ipsi ministrabant, aluerunt. Nec numero pauci (quippe fere trecenti sunt, qui Oratorium assidue frequentant) nec generis ignobilitate contemnendi sunt, omnium enim ordinum viri in hoc Sodalitium conveniunt pietate concordēs, & charitate feruentes; & quod caput est tantarum in omni virtutum genere exemplorum copiam tam multa mirabilia & quae natura vires transcendunt in his hominibus etiam indoctis plerunque & cegentibus Deus operatur, tantamque sacro catui fauente Deipara Virgine gratiam largitur, ut non Epistole huius angustias, sed peculiarem tractatum requirat. Placuit tamen, ut vestris postulationibus aliqua ex parte satisfacere

ret commentariolum patris è Societa-  
te IESV, in quo ex nouissimis illorum  
rebus gestis, quas ipse vidit, pauca de-  
libauit transmittere, una cum qui-  
busdam Epistolis & alijs quæ ad operis  
vestri illustrationem pertinere visa  
sunt. Hæc illi. Ex quibus deinceps in  
nostrum hunc librum complura suis  
locis transcribemus.

*Sodales  
sacra  
promouēt  
Anno  
CIC. IDC.  
X.*

*Noni In-  
st. tores.  
Notum S.  
Pauline  
exemplū.  
Anno  
CIC. IDC.  
III.*

XI. Toletani, malè feriatos ho-  
mines ad rem diuinam audiendam  
cogunt: &, vt propolæ sine mercium  
damno, abesse tabernis aut foro pos-  
sint, Sodales interea res eorum Vena-  
les seruant, distrahuntque magnâ fi-  
de atque emolumento. Quid non  
ingeniosa charitas inuenit, vt proficiat  
non merces tantùm, sed ipsam quoq;  
se venalem exponit.

XII. Non procul Cordubâ, Cle-  
rici in oppido quodam Sodalitatem  
inter se inierunt, Christianæ pietati  
in alios propagandæ peridoneam.  
Pueros elementa religionis Christia-  
næ per orbem modulantes vicatim  
deducunt: carmen sacrum ipsi præci-  
nunt;

nunt; pueri cantata resonant. Quot hebdomadibus congregantur ad pia differenda, aut conscientiaë quaestiones discutiendas: bis item conveniunt ad corpora diuverberanda. Quod postremum apud Consentinos tertia ac sexta feria vsitatum quoque invenimus. Eadem Panormi factitantur, atque illud præterea: Sabbathis B. Virgini, diebus Lunæ pro mortuis Psalmodia officium peragunt: Litanias quotidie simul recitant.

*Sodales per annū sæpè Cor- pus fla- gris affli- gunt.*  
An. c. 10.  
10CXI.  
An. c. 10.  
10C.

XIII. Malacitani eam corporis flagro cædendi consuetudinem a nõo integro in Societatis templo bis, & quadragintadiali ieiunio, etiam ter per hebdomadem frequentant. Diebus Dominicis conventu dimisso, recta ad Nosocomia abeunt, cibaria deferunt, lectos ægrorum sternunt. In adducendis ad exomologesin & reducendis in gratiam inimicis conatu non vano elaborant. In Sodali-  
litio eorum, qui studia maiora pertractant, mos stabilitus cædendi se- gregatim die veneris, in collegio A-

An. c. 10.  
10C. V.

quilano. Qui verò è Nobilium cætu, die Mercurij sub vesperam ad Sodalitium accedunt in honorem Dolentis olim Virginis, ibique post sanctissima colloquia non sine lacrymis, se ipsos cædunt spatio decantati Psalmi quinquagesimi. Nec præmittēda antiqua virtus Sodalium

An. CIO. Baëzanorum in Hispania, qui signo  
 MCC. VIII. salutandæ virgini audito quotidie, omnes in ædem sacram se conferunt, auscultaturi de re pia perorantem. Tum horæ dimidium in precibus ad aram maximam fundendis absolunt. Diuerberandi se causa simul omnes omnium Congregationum Sodales ter vnaquaque hebdomade ad eundem Psalmum conueniunt: optimi quique & honestissimi primi; eorum exemplum alios trahit.

Anno

CIO. MCC.  
 III.

XIV. Eundem corporis afflictandi per annum sextis quibusque Ferijs morem Abulenses Sodales susceperunt. Idem Neapolitani Virgini Conceptæ deuoti vsu receperunt. Bis totius



tius anni hebdomadibus, post Ci-  
neralia ter eam castigationē corpo-  
ris vsurpant Sodales Vallisoletani in  
Mexico. Syracusis institutum est, vt  
singulis mensibus in templo flagel-  
lis se verberent vniuersi. Quid me-  
morem singula? plurimis locis lau-  
dabilis ille mos increbuit, vel quot  
hebdomadis vel certè peruigilijs so-  
lennioribus ( vti Ingolstadienses nu-  
per facere instituerunt ) aliquò con-  
uenire, & siue Exhortatione absolu-  
ta, siue inter sacrum cantum publi-  
cè flagris seipsoſ conscindere. Qui  
solis Ieiunij magni ferijs eam afflicta-  
tionem affigendam putant, longè  
errant, mea quidem sententia; &  
rem more receptam immeritò dam-  
nant.

Quid enim? pœnitentiæ illi dies di-  
cati sunt, inquit: an' tu, illi tantū?  
nullus sine noxa dies abit & tot sine  
mulcta abeant? *Exigunt à me præteri-  
ta peccata mea futuram vitā mea, vt  
faciam* FRUCTVS DIGNOS pœnitentiæ,  
& recogitē omnes annos meos in ama-

Anno  
CIC. IC.  
XCIX.

Anno  
CIC. IC.

An in  
Quadra-  
gesima  
tantum  
sit corpus  
macerā-  
dum?

Sermone  
de qua-  
drup. de-  
bito.

S. Hiero-  
nymus.  
Epl. 27.  
ad Eusto-  
chium.

ritudine anima mea, ait integerrimus Bernardus & B. Paula: *Affligendum est corpus quod multis vacavit delitijs: longus risus perpeti compensandus est fletu.* Hæc cogitant Sodales, & à se animaduertunt iniurias Deo irrogatas: illi alij peccandi sibi finem nullum statuunt, quod illis integrum est: quod nequeunt, pœnæ metam constituunt. Sed *presens quod fuerat malam, ait ille, in diem abiit; plaga crescunt.* quodque flagro vno alteroue expiari poterat; multorum dierum, utinam non annorum, ignibus lendum erit: serius quidem, sed sæuius.

De usu  
panarū.

Reg. 9.  
Cōmun.  
Et Reg.  
4. Præfe-  
cti.

Anno  
1700.  
VII.

XV. Et quoniam pœnitentiæ facta est mentio, non est dissimulanda apud Sodalitates omnes ab ipso earū exordio inolita, & legibus roborata consuetudo pœnas imponēdi ijs qui vel officijs Marianis non satisfaciunt, vel qui, quasi cessatores sint, ipsi eas efflagitant. Cum eam aliquando pœnam obstinatè quidam detrectaret, Præfectus ipse Congregationis Genuensis, homini ad pedes exoscu-  
lan-

landos accidit, peruicaciamque modestiæ Exemplo fregit. Maiore alius CIX. 130. virtute hac in re animum suum superavit. Is Messanenensis Magistratus erat: Nescio qua incogitantia, an subito animi motu honestum hominem iurgio immodestiore læserat. Cum tumor ille resedisset, iamque factum nollet, rogauit Sodalitij Præsidentem, vt facinus suum in confesso cæterorum publicaret, diceretque se eius pudere ac pœnitere, velleque satisfacere; pœnam, quam vellent, iniungerent. Mox ad pedes singulorum arreptare cepit ea dignitate Vir, osculumque figere, donec se attollere iussus est. Vide mihi Humilitatis speculum, in quod reliqui meritò inspiciant atque ex eo exemplum sibi sumant Hæc de virtutum studio: de literis verbum addam & finiam.

XVI. Qui literis operam nauant De profectu literario Sodalitij. ex his Sodalitij, vt supra cæteros excellant, nituntur; adestque clientibus suis, vt suo loco testatum faciam, Patrona Virgo, palmam plerunque pri-

mam ferunt; ad quam mutuis quoque incitamentis sese extimulant. Multis in Collegijs priuatæ quædam Academiae erectæ sunt; suis cuique Magistratus, suæ leges. Exercentur quotidie in eo studiorum genere, quorum tractatu quisque pro tempore occupati sunt. Quo id fructu fiat, prudens quisque facile nouerit. In has Academias nostri præ alijs quodam iure, eo ipso quod Sodales sunt, cooptantur. In congregatione Hispanensi illud inductum est in mores, ut octiduo ante, quam noui magistratus Partheniani crearentur, Theses Philosophicæ aut Theologicæ quotidie disputandæ proponerentur. Conceptæ Virginis Sodales Cuzquenses in Peruuio ad integros octo dies varijs orationum & carminum generibus festos dies suos peregerant, tanta omnium voluptate, ut Episcopus, Prætor, & urbis totius Magistratus nunquam abesse voluerint.

*Reg. 2.*

*Academia.*

*Anno*

*CIO. IO.  
XCVI.*

*Anno*

*CIO. IO.  
V.*

*Veteres*

*Ingolsta.*

XVII. Quæ hæcenus per diuersas mundi partes in mores à Sodalibus

bus

bus recepta diximus, eorum quoque *diensium*  
 simulacra quædam iam olim ab In- *conſue-*  
 golstadiensibus efformata Comen- *tudines.*  
 tarij illorum perhibent. Itum in Xe- *Anno*  
 nodochium, pauperibusque distri- *CIO. IO.*  
 butam eleemosinam fuisse; tenuio- *XCV.*  
 res per urbem conquisitos à Conſi- *Anno*  
 liarijs, operâ diuisâ domesticamque *CIO. IO.*  
 inopiam multorum leuatam; semel *XCVIII.*  
 mille, quadringentos stipe adiutos *Anno*  
 reperio, pœnitentiarum irroganda- *CIO. IO.*  
 rum vsum diuturnum; easq; decreto *LXXVIII*  
 ab ipsis incunabulis Congregationis *Anno*  
 illius constitutas ac confirmatas, *CIO. IC.*  
 monumenta nostra antiquiora te- *LXXX.*  
 stantur. Qua in re non reticendum *Anno*  
 opinor præclarum ad memoriam fa- *LXXXII.*  
 cinus, Præfecti cuiusdam, qui deinde *Anno*  
 magnis honoribus in Rep. Ecclesia *CIO. IO.*  
 stica functus est, nam cum is pro eius *LXXIX.*  
 ætatis more, statuta Sodalitij publi-  
 cè prælegeret, ad eaquæ obseruanda  
 reliquos inhortaretur, fortè ad v-  
 num quodpiam peruenit, secundum  
 quod negligentius sibi videbatur,  
 vitam instituisse; moxque socordiæ  
 suæ,

sua, vti dicebat, veniam sibi dari postulauit, & multæ vltro se obiecit. Denique nomine Sodalitatis Academicæ carmina in laudem B. Virginis edita; theses euulgatas propugnatasque aliquoties in Sodalitij loco à Sodalibus, idque e veteri more ac statuto factum lego. Sed ne res longius excreseat, plura adferre supersedeo.

## CAPVT VI.

## DE CELEBRITATIBUS *Congregatorum.*

**H**Abent & suas illecebras Sodalibus, quibus ad pietatem sequæ suosque spectatores illiciant. Animi enim mortalium nulla re citius, quàm satietate, virtutis tractationem fastidiunt. Igitur hic persequar, quo illi ritu ad Diuorum ædes supplicatum, exeant, quo cultu ferias statas agant, quo apparatu Ludos sacros faciant, cum alij profanis inhiant, qua denique propositi renouatione B. Virgini

MA-